



Broj: 04-14-5824-5/18  
Sarajevo, 11.06.2018.godine

Na osnovu člana 64. Stav (1) tačka b) i člana 70. stav (1), (3) i (6) Zakona o javnim nabavkama („Sl. glasnik BiH“ broj:39/14), te Preporuke Komisije u postupku javne nabavke pod nazivom „Nabavka signalnog kontrolora sa odgovarajućim kućištem“ br: 04-14-15824-4/18 od 28.05.2018.godine, Ministar saobraćaja Kantona Sarajevo d o n o s i:

## **ODLUKU** **o izboru najpovoljnijeg ponuđača**

### **Član 1.**

Prihvata se Preporuka Komisije za nabavku u postupku javne nabavke: „Nabavka signalnog kontrolora sa odgovarajućim kućištem“, te ugovor dodjeljuje ponuđaču „**Step**“ **d.d. Sarajevo**, prema dostavljenoj ponudi br: 04-14-22177/18 od 16.05.2018. godine u ukupnoj vrijednosti od **23.270,13 KM sa PDV-om**.

### **Član 2.**

Prijedlog Ugovora dostavit će se na potpis izabranom ponuđaču po isteku roka od 10 (deset) dana, računajući od dana kada su svi ponuđači obaviješteni o izboru najpovoljnije ponude. Izabrani ponuđač je dužan dostaviti dokaze o kvalificiranosti u roku od 3 (tri) dana, nakon što svi učesnici budu obaviješteni od strane Ugovornog organa o rezultatima postupka nabavke, a u skladu sa protekom žalbenog roka i u skladu sa tenderskom dokumentacijom.

U slučaju da izabrani ponuđač propusti da dostavi dokaze o kvalificiranosti u navedenom roku, ili dostavi neprihvatljive dokaze ova Odluka će se poništiti.

### **Član 3.**

Ova Odluka objavit će se na web stranici ugovornog organa [www:http:ms.ks.gov.ba](http://ms.ks.gov.ba) istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

## **Obrazloženje**

Postupak javne nabavke pokrenut je Odlukom o pokretanju postupka javne nabavke broj: 04-14-15824/18 od 11.04.2018. godine – „Nabavka signalnog kontrolora sa odgovarajućim kućištem“. Javna nabavka je provedena putem postupka: Konkurentski zahtjev za dostavu ponuda. Procijenjena vrijednost javne nabavke bez PDV-a iznosi 20.000,00 KM. Za predmetnu nabavku objavljeno je obavještenje o nabavci na portalu javnih nabavki pod brojem 1242-7-1-11-3-12/18 dana 09.05.2018. godine u 13:53 h. Rok za dostavu ponuda bio je 16.05.2018. godine do 11,30 h. Za navedenu nabavku u predviđenom roku i uredno zatvorenim kovertama, dostavljena je ponuda ponuđača:



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



**- STEP d.d. Sarajevo, ul. Halilovići br.2 Sarajevo.**

U skladu sa Odlukom o pokretanju postupka, Komisija za javnu nabavku, formirana Rješenjem o imenovanju broj: 04-14-15824-1/18 od 11.04.2018.godine provela je proceduru nabavke, obavila javno otvaranje ponuda, sačinila i dostavila Zapisnik o pregledu i ocjeni ponuda koje su blagovremeno, do utvrđenog dana i sata, dostavljene od strane ponuđača na adresu Ugovornog organa. Zapisnik o pregledu i ocjeni ponuda broj: 04-14-15824-4/18 od 28.05.2018. godine čini sastavni dio ove odluke i u istom je utvrđeno slijedeće:

- da je ukupan broj pristiglih ponuda jedan (1)
- da je blagovremeno zaprimljena jedna (1) ponuda
- da nema neblagovremeno zaprimljenih ponuda
- da je ponuđač Step d.d. Sarajevo, dostavio ponudu koja je u okviru procijenjene vrijednosti javne nabavke, te da ista ispunjava formalno-pravne uslove za učešće, kao i tehničke karakteristike i druge uslove propisane od strane ugovornog organa.

Uzimajući u obzir da je komisija u cijelosti pravilno postupila i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskoj dokumentaciji, u cijelosti se prihvata Zapisnik o pregledu i ocjeni ponuda.

Rb	PONUĐAČ /naziv i sjedište/	Ponuđena cijena bez PDV-a	Ponuđena cijena sa PDV-om
1.	STEP d.d. Sarajevo	19.889,00 KM	23.270,13 KM

U skladu sa kriterijumom za dodjelu ugovora "najniža cijena", **ugovor se dodjeljuje ponuđaču Step d.d. Sarajevo u ukupnoj vrijednosti nabavke 23.270,13 KM (sa PDV-om).** Za predmetnu nabavku će se zaključiti ugovor.

**Pouka o pravnom lijeku:** Svaki ponuđač koji ima legitimni interes u predmetnom postupku javne nabavke, a koji smatra da je ugovorni organ u toku postupka prekršio jednu ili više odredbi Zakona o javnim nabavkama ima pravo priložiti žalbu u pisanoj formi u roku od **5 (pet) dana** od dana prijema ove odluke u skladu sa članom 99. i 101. Zakona o javnim nabavkama ("Službeni glasnik Bosne i Hercegovine", broj 39/14).

Žalba se podnosi Ugovornom organu (Ministarstvo saobraćaja Kantona Sarajevo) neposredno ili preporučeno putem pošte na adresu: Reisa Džemaludina Čauševića br. 1, kao prvostepenom organu u žalbenom postupku.

Ponuđač, u slučaju da ulaže pismenu žalbu, dužan je za pokretanje žalbenog postupka platiti naknadu u iznosu 500,00 KM, u skladu sa članom 108. stav 1. tačka a) Zakona o javnim nabavkama.

Naknada se uplaćuje u korist budžeta institucija BiH i međunarodnih obaveza BiH i ona je nepovratna u slučaju neosnovane žalbe.



**MINISTAR**

**Dr.sc Mujo Fišo**



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



Prilog:

1. - Zapisnik o pregledu i ocjeni ponuda broj: 04-14-15824-4/18 od 28.05.2018.godine sa svim priložima

Dostaviti:

1. Step d.d. Sarajevo, ul. Halilovići br.2 Sarajevo
2. Ministarstvo saobraćaja Kantona Sarajevo
3. evidenciji
4. a/a



web: <http://ms.ks.gov.ba>  
e-mail: [ms@ms.ks.gov.ba](mailto:ms@ms.ks.gov.ba)  
Tel: + 387 (0) 33 562-058, + 387 (0) 33 562-059  
Sarajevo, Reisa Džemaludina Čauševića 1



